

Lo bronzinador, per cambiar de votz



Granda familha : membranofòn


Matèrias : canavèra (o bambó), pòcha de plastica, ficèla o elastic

Son : petejadís que càmbia la votz quand i parlam o cantam dedins



COSSÍ SE FABRICA ?

1. Talhar un tròç de canavèra o de bambó de 15 a 20 cm (diamètre entre 2 e 3 cm) en daissant una extremitat tampada per un nos e una altra dubèrta.
2. Far un trauc a 3 o 4 cm de l'extremitat dubèrta.
3. Tampar aquela extremitat amb un tròç de pòcha de plastica estacat amb un elastic o de ficèla.



Cossí funciona ?

Parlar o cantar (pro fòrt) dins lo trauc per far vibrar la membrana e aital modificar sa votz.

O sabes ?

Lo bronzinador se ditz « mirliton » o « kazoo » en francés. Tradicionalament, es fabricat amb una pèl de ceba coma membrana.